

Mache eine blinde lange Lini L. M. mache darauff vns
 gefehr den Puncten A. nimm von dem Wachs die
 weiten N. 1. lege deß Circfels Angel in den Puncten
 A. der eine Circfel Fuß gehe perpendiculariter dem Stecken
 nach abwärts / dem andern Fuß nach reiß ein blinde Lini hin-
 auß / von dem verjungten Maßstab die weiten von A. inn B.
 trag dieselbe auff solch blinde Lineam / dahin mache den Punc-
 ten B. nimm hernach die weiten im Wachs N. 2. lege deß
 Circfels Angel widerumb in B. den einen Fuß fehre wider ab-
 werts / den andern Fuß nach / mache ein blinde Lini / darauff tra-
 ge vom verjungten Maßstab die auffgeschriebene weiten B. C.
 mache daselbsten den Puncten C. vnd also thue fort / biß deine
 Ständ alle abgetragen / wann alsdann der letzte Stand vnter
 die Lini L. M. trifft / so ist vnmöglich / das Wasser dahin zu
 bringen / bleibet aber der letzte Stand / ob der Lini oder gleich
 darauff als hie bey dieser Figur auch beschicht / so ist es möglich.

Es kan auch solches Wasser abwegen durch Quadranten,
 mit einer Schüssel Wasser / vnd viel andere Instrument besche-
 hen. Weiln aber solches inn andern Büchern beschriben /
 hab ich allein / dieses zu meinem Haußwirths
 Stab gehörig hiernebens erinnern
 wollen.



Das